

PARTANGIANGAN BONA TAON

Hamu dongan sahaporsayaan! Madung taripar hita tu taon baru 2016 mardongan jop ni roha, pasu-pasu dohot angka na denggan di ngolunta haru pe bahat do hamaolon, tantangan, pergumulan bo pe arsak ni roha.

Di na mamungka hita mamolus taon 2016 on, porlu do hita sude ruas ni parlagutanta rap marsada ni roha mandohoti partangiangan bona taon di ganop Parlagutanta be.

Ia maksud dohot tujuan ni partangiangan on i ma laho mangido angka na porlu di ngolunta on. Porlu do tahangoluhon ngolu partangiangan di na mamolus taon na imbaru on. Angke didok do, Tangiang ni marsasahalak ditangihon Tuhanta do, mur noma si sada tangiang sude na saparlagutan i.

Jadi, mare ma tahaporluhon ro mandohoti partangiangan bona taon on i ma na laho manangiangan parlagutan, keluarganta be, hadirionta bo pe pamarentanta.

ARI PARJOLO

PARLAGUTAN, PANGHOBASION DOHOT PARHOBAS NI GKPA

On ma ari parjolo partangiangan Bona Taon di hita, hatiha on tama do hita mandok tarimakasi tu Debata, hara tongtong do margogo jana markuaso HataNa di Parlagutan i. Tatangiangan ma anso mur sada Parlagutan i; panghobasion di Parlagutan i; kerjasama di antara sude parhobas dohot parsoraan (persekutuan) na denggan di tonga-tonga ni Parlagutan i. Tapasiding ma bada, parsalisian, taparajak ma hasadaon dohot tahi na denggan anso murmartamba pos ni roha tu Tuhan i dohot mur togu haporsayaanta jana marsaor di bagasan dame, hasonangan dohot holong na marsihaholongan. Tatangiangan ma sude parhobas dohot pangkobasion di Parlagutan i jana di pelayanan Sosial – Panti Asuhan Debora di Silange, Program Orang Tua Asuh, bidang Pendidikan, bidang unit usaha/jasa bope Kesehatan dohot angka na asing i. Laing tatangiangan ma Induk ni Parlagutanta I, ma Kantor Pusat GKPA anso mur dipargogoi Tuhan laho mamimpin GKPA tu hamajuon. Tatangiangan ma Parlagutan dohot angka donganta, Gareja hombar balok bope Parlagutan ni halak Kristen di sude portibi on, anso tongtong di bagasan dame dohot hasadaon .

Teks : Yakobus 5 : 16

ARI PADUAHON

RIPE (KELUARGA), MITRA GKPA, BANGSO DOHOT PAMARENTA

Masuk ma hita tu ari paduahon Partangiangan Bona Taon. Hatihana on, laing tadok ma tarimakasi tu Tuhanta hara tongtong do gumodang asi ni rohana sian sude angka na masa diparripeon ta, mitra GKPA, bangso dohot pamarentanta. Tongtong ma hita mangido gogo sian Tuhanta anso dilehen bisuk, hapistaran tu sude dakdanakta di parsikolaanna, naposobulung, ina, ama di ganop Parlagutantanta be anso mur magodang jana dewasa di ngolu haporsayaanna dohot di hata ni Debata jana di pasupasus di angka parkarejoan hombar tu lomo ni rohana.

Songon i muse do sude Mitra ni GKPA na adong di luar negeri dohot di dalam negeri, anso tatangiangkokon ma anso laing torus terjalin hubungan na denggan tu joloan on.

Songon i pamarentanta anso mabiar mida Debata, dilehen hapistaran, habisuhon mangatur bangsonta on di bagasan dame dohot sonang mandalankon program pembangunan baen hamajuan ni bangso dohot ke makmuran ni warga.

Tatangiangkokon ma anso sude bangso na di portibion dohot martanggung jawab mambangun, mamaliaro dohot melestarikan keadilan, perdamaian dohot keutuhan ciptaan anso mur denggan ngolu ni jolma di portibi on, sonang rohana mamuji Debata Sipanompa i.

Teks: Jeremia 29 : 7

ARI PATOLUHON ANGKA NA DIBAGASAN SITAONON

Hami angka dongan sahaporsayaan, on ma ari patoluhon Partangiangan Bona Taonta mandok tarimakasi tu Debata angke tongtong do ditatap lbana manatap di angka sitaonon na masa di ngolunta be.

Tatangiangkokon ma anso tongtong Tuhanta donok rap dohot angka na di bagasan arsak ni roha bope sitaonon harani nyae, hapogeson, ketidak-adilan, penindasan, nabalu, hamatean, na so marama so marina, na tarkurung, na hona bencana alam, na hona PHK bope angka sitaonon na asing do pe di ngolunta on.

Anso tongtong margogo hita, marpos ni roha dipangurupion dohot pangapoion na sian Tuhanta, bope na padonok hita tu lbana, so pola madabu tu pandeleian, kekecewaan bope keputusan.

Teks: 1 Tesselonika 5:17-18